



COMISSÃO ANTI-CORRUPÇÃO

Rua Sérgio Viera de Melo, Farol, Díli, Timor-Leste
Telef. (+670) 3331329, (+670) 3331382, E-mail: cac_tl@yahoo.com

Komunikadu ba Imprensa

CAC Selebra nia Sigundu Anniversariu Hamutuk ho Estudante Sira

Ba Publikasaun Imediata: 23 Feveiru, 2012

Dili, Timor-Leste “Edukasaun nudar Faktor Esensial ba Prevene Korrupsaun”—ne’e mak tema nebe Komisaun Anti-Korrupsaun promove wainhira komemora nia tinan ba dalarua hamutuk ho estudante iskola primaria no sekundaria sira iha Santa Madalena de Cannossa ohin iha Dili. Tema ne’e representa CAC nia objektivu prinsipal husi loron komemorasaun ne’e nebe hakarak konsidera loron ne’e hanesan *loron edukativu* ba prevene no kombate korrupsaun iha Timor-Leste.

Hamutuk estudantes lima nulu resin husi iskola Santa Madalena de Canossa no representantes husi iskolos seluk iha Dili no profesores sira, nunemos ho Presidente Komisaun C Manuel Tilman, Vice Ministru Edukasaun Paulo Asis, Ambadora Estadus Unidus ba Timor-Leste, Judith Fergin, representantes husi OHU/UNDP, doadores no korpus diplomatiku, lideres komunitariu, diretores nasional sira mak halibur hamutuk ho familia bo’ot CAC hodi selebra sigundu anniversariu ne’e.

Komemorasaun sigundu anniversariu CAC nian hala’o no hatudu mos actividades importante balu hanesan lansamentu simboliku ba konaba relatoriu Survey Nasional ba Persepsaun Korrupsaun, livru edukativu ba labarik sira ho nia titlun “Mau Diak”, Website CAC nian (www.cac.tl) edisaun espesial Bulletin CAC naran “Integridade” no hatudu video kultural.

Presidente Komisaun C Parlamentu Nasional Manuel Tilman iha nia diskursu hatete hatak estabesimentu CAC nudar instituisaun importante ida atu tulun kombate korrupsaun institusional iha Timor-Leste. Vice-Ministru Edukasaun Paulo Asis wainhira koalia konaba mensajem selebrasaun CAC nian hatete katak “mensajem ne’e bolu ita hotu nia atensaun, liu-liu iha area edukasaun, atu oinsa sai edukadores nebe diak atu hanorin estudante sira ho etika no moral konaba oinsa atu prevene korupsaun iha futuru.” Nunemos Ambadora Fergin iha nia diskursu hatete katak Estadus Unidus Amerika sei kontinua ajuda CAC nia servisu no koalia konaba importansia husi survey ba dahuluk konaba persepsaun korupsaun iha Timor-Leste katak buat nee importante ba CAC nia servisu atu “kumpriende saida maka povu hanoin no fiar saida maka ita hakarak hatene oinsa atu hasa’e publiku nia kumpriensaun kona-ba saida maka governasaun moos no oinsa rekunhese sinal perigu ba sira nia demokrasia no futuru.”

Desizaun CAC nian hodi komemora nia loron moris hamutuk ho estudante sira hanesan parte ida husi nia objektivu atu involve no hasa’e tan konhesimentu estudante oan sira husi ki’ik kedas konaba oinsa atu kombate no prevene korrupsaun. CAC nia departementu Prevensaun no Edukasaun Kampanhe durante ne’e hala’o ona vizita lubuk ida ba iskola sira iha Dili no distritu nunemos ministeriu balu hanesan parte ida husi nia progama desiminaun informasaun.